



2012-IMUT UKIUMOORTUMIK NASSUIAAT

Siulersuisunut siulittaasumit, eqqartuussissuserisoq Michael Thumand

AALLAQQAASIUT

Inatsisitigut siunnersuisarfik IKIU imminut pigisoq ukiuni pingasuni ingerlareerpoq. Innuttaasut oqartussaasullu IKIU-mik ilisimasaqarnerat annertusingaatsiarsimavoq, aammalu 2012-imi saaffiginnissutit amerlassusii ukiup siulianut sanilliullutik marloriaatinngungajassimapput. Kalaallit Nunaat tamakkingajallugu saaffiginnissutinik tikittoqartarpoq, taakkulu pisortanut taamatullu inuinnarnut inatsisinut assigiinngitsorpassuarnut tunngasuusarput.

Inatsisitigut siunnersuisarfik IKIU imminut pigisoq ukiuni pingasuni ingerlareerpoq. Innuttaasut oqartussaasullu IKIU-mik ilisimasaqarnerat annertusingaatsiarsimavoq, aammalu 2012-imi saaffiginnissutit amerlassusii ukiup siulianut sanilliullutik marloriaatinngungajassimapput. Kalaallit Nunaat tamakkingajallugu saaffiginnissutinik tikittoqartarpoq, taakkulu pisortanut taamatullu inuinnarnut inatsisinut assigiinngitsorpassuarnut tunngasuusarput.

Kalaallit Nunaannut eqqartuussisaatsimut inatsimmi § 84, imm. 5 naapertorlugu IKIU tapiiffiqeqarsinnaatitaasutut Inuinnarnut Aqutsisoqarfimmit akuerineqarsimavoq. IKIU-p kukkunerisuiusumit atsiorneqartumik ukiumoortumik naatsorsuusiortarnissaa aammalu unatut ittumik ukiumoortumik nalunaarusiortoqarnissaa piumasarineqarluni tapiissutit tunniunneqartarput.

SIUNERTAQ

Kalaallit Nunaanni tamarmiusumi innuttaasut, akeqanngitsumik sullinneqarnissamut aningaasaqarnikkut piumasaqaatinik naammassinnittut akeqanngitsumik inatsisitigut sullinneqarnissaat IKIU-mi siunertaavoq.

Kisiannili IKIU-p suliassani suliani aalajangersimasuni siunnersuisarnermit annertunerussatut isigaa, tassami innuttaasut oqartussaasullu pisinnaatitaaffii pillugit qaammarsaanikkut paasissutissiisarnerup annertusineqarnissaanut IKIU suleqataarusuppoq.

SIUNNERSUISARFIK NAATSUMIK

IKIU 12. februar 2010-mi pilersinneqarpoq, innuttaasunullu 1. juni 2010-mi ammarneqarluni. Pisortat eqqartuussissuserisut atorlugit inatsisitigut siunnersuisarneranni aaqjissuussinerit nalinginnaasut Kalaallit Nunaanni innuttaasut isertitakitsut inatsisitigut siunnersorneqarnissamut pisariaqartitsinerannut naammanginnerat IKIU-p pilersinneqarneranut tunngaviuvoq

IKIU innuttaasut siunnersortinniartut inatsisilerituullu akornanni attaveqarnissamut ikiuunnermigut Kalaallit Nunaat tamakkerlugu innuttaasut inatsisitigut ikinerqarnissaannik isumaginnittarpoq. Tamatuma saniatigut IKIU pisariaqartitsinermi oqalutseqartitsisarpoq. Kiisalu nunami sumiiffinnut, oqaatsinut, kulturimut

suliassanullu tunngatillugu ajornartorsiutit, nalinginnaasumik innuttaasut nammineerlutik eqqartuussissuserisunut ikiortissarsionnerminni naammattoortagaasa atuutinginnissaat IKIU-p anguniartarpaa.

ATTAVEQARFISSAT AMMASARFIILLU

Najugaq: Kissarneqqortuunnguaq 9, 3900 Nuuk.

Namineerluni saaffiginnikkut, oqarasuaatikkut, telefax-ikkut imaluunniit e-mail-ikkut(ikiu@ikiu.gl) IKIU-mut saaffiginnittoqarsinnaavoq. Allattoqarfik ataasinngornermiit tallimangornermut nal. 9.00 aamma 16.00 akornanni ammasarpoq (oqarasuaat +299 32 45 48).

Ataasinngornermiit tallimangornermut nal. 15.00 aamma 17.00 akornanni siunnersuisartut siumoortumik isumaqatigiissuteqareernermi oqarasuaatikkut imaluunniit namineerluni saaffiginnikkut naapinneqarsinnaapput. Tamatuma saniatigut mail-it akineqarnerisigut siunnersuisoqartarpoq.

AQUTSISUT

SIULERSUISUT

Siulersuisut IKIU-p qullersaatut oqartussaasuupput. Ingerlatsinerup pingaernerup pilersaarusiornissaanut siulersuisut akisussaasuupput. Tamatumani pingaartumik naatsorsuusiorneq naatsorsuutinillu akuersisarneq, kiisalu aalajangigassanut pingaarnernut aalajangiisarneq pineqarput.

IKIU suliffeqarfiummat imminut ingerlattoq, taamaalillunilu ilaasortaqaqngitsoq piginnitseqaqngitsorlu, siulersuisut imminnut isumagisuupput.

Inuit pingasuniit tallimanut amerlassuseqartussaapput, taakkulu manna tassaapput:

- Eqqartuussissuserisoq Michael Thumand (Nuna Advokater A/S) (2012-imi apriliimi siulittaasunngortoq)
- Kommunalbestyrelsimi ilaasortaqaq Mille Søvndal Pedersen (siornatigut ukiorpassuarni eqqartuussisuusimasoq) (siulittaasup tullia)
- Eqqartuussissuserisoq Thomas Trier Hansen (Nordic Law Group ApS, aammalu siulinnerusukkut Kalaallit Nunaanni Eqqartuussivimmi eqqartuussisuusimasoq)
- Eqqartuussisoq Birgit Skriver (Kalaallit Nunaanni Eqqartuussivik)

ULLUINNARNI AQUTSINEQ

Allattoqarfiup ulluinarni ingerlatsineq isumagisaraa, tassunga pingaartumik aningaasaqarneq inniminniinermilu isumaqatigiissutit ilaallutik. Aamma journaliseeriineq, innuttaasut saaffiginnissutaannik suliaqarneq, nittartakkap ingerlaavartumik nutarterneqarnera, sinerissamut angalanissanik pilersaarusiorneq

ataqatigiissaarinerlu, kalaallisut-qallunaatut nutserineq (oqaluttaaneq taamatullu najoqqutassanik allassimasunik nutserineq) suliarineqartarput.

Allattoqarfik allattoqarfimmi pisortamit, siulersuisut siulittaasuannik suleqateqartumit aqunneqarpoq. Aamma 2012-imi maajimiit decembarimut assistentimik, piffissap ilaannaani sulisartumik, pingaartumik nutserinermik, aammalu allattoqarfimmi pisortap suliffimminut atatillugu angalanerani ulluinnarni suliassanik suliaqartinneqartumik atorfeqartitsisoqarpoq. Assistenti piffissap ilaannaani sulisartuq atorfimminit soraarpoq atorfillu inuttaleqqinneqanngilaq, tak. immikkoortup Aningaasaqarneq ataani allaaserineqartoq.

INIT

IKIU Kissarneqqortuunnguaq 9, 3900 Nuuk naqqup ataani inini attartukkani inissisimavoq. Allaffik, inunnut marlunnut inissaqartitsiviusoq aammalu ini, siunnersuinerlutik atorfeqartartoq attartukkamiippat. Taakku saniatigut igaffeeraqarpoq perusersartarfeqarlunilu.

2012-ip aallartinnerani engup ajoqusiinerata kingunerisaanik naqqit ajortippat oqoqalerlutillu, taamaattumillu iluarsaassinermut atatillugu IKIU qaammatit affaata missaa tikillugu ininik allanik atuisariqarsimavoq. Attartortitsisoq nuukkallarnermi aningaasartuutit amerlanersaannik matussusiivoq.

Ininik qiterfasinnerusumik inissisimasunik, aammalu sulinermit pitsaanerusunik avatangiiseqarfiusunik nassaarniarneq IKIU-p sulissutigaa, soorlu allaffeqarfimmi ataatsimoorussami – ajornanngippat peqatigiiffiit imaluunniit sullissiviit imminut pigisut peqatigalugit – illoqarfiup qeqqani inissisimasumi.

SIUNNERSORTIT NAMMINNEQ PIUMASSUTSIMINNIK AKISSARSIAQARATILLU SULISUT

2012-imi inatsisilerituut, namminneq piumassutsiminnik akissarsiaqaratillu sulisut, siunnersuinermit suliaqartut 15-it missaanniippat. Taakku pingaartumik eqqartuussissuserisut allaffeqarfiini, pisortani oqartussaasuni aamma ingerlatseqatigiiffinni Namminersortutik Oqartussanit pigineqartuni atorfeqarput. IKIU siunnersortissanik nutaanik pisarsiortuarpoq, IKIU-mi suliffeqarfiit allat assigalugit sulisut sukkasuumik taarsaattarmata.

ANINGAASAQARNEQ

IKIU inatsisitigut siunnersuisarfittut, tapiiffiqineqarnissamik pisinnaatitaaffeqartut Inuinnarnut Aqutsisoqarfimmit akuerisaavoq. 2012-imi tapiissutit 1.005.000 koruuniupput, aammalu 2011-imi 951.000 koruuniullutik. Ingerlatsinermut tapiissutit IKIU-p isertitaanit kisimiippat, aningaasallu ingerlatsinermut aningaasartuutitut ingerlaavartunut matussutissatut atorfeqartarput. Kisiannili maannarpiaq internetimut oqarasuaatinullu aningaasartuutit TELE Greenland A/S-imit tapiiffiqineqartarput.

Kukkunersiuisoq nalunaarsorsimasoq Per Abelsen 2012-imut Ukiumoortumik Nalunaarummut oqaaseqaatimini ilisimatitsivoq, nammineq isummani malillugu nalunaarut IKIU-p aningaasaqarnerani pissutsinut eqqortumik takutitsisoq, aammalu tunuarsimaarfeqarnissamut tunngavissinngitsaq. Kisiannili Per Abelsenip kukkunersiuisutut nalunaarummini, 21. Januar 2013-imeersumi inassutigaa, IKIU-p naatsorsuutaasa oqimaaqatigiissinnerini ikinaarilluni inissitat annikillisinneqassasut. Tamanna siulersuisut 2013-imi missingersuusionermini iluarsivaat, tak. matuma kinguliani tamanna pillugu allassimasut.

2012-imut ukuimoortunik naatsorsuutit 21.897 koruuninik amigartoorfiupput, aammalu nammineerluni aningaasaatit 54.348 koruuninik amigartoorfiullutik. 2012-imut missingersuutini immikkoortut ilaasa naammassineqarsinnaannginnerat tamatumunnga pingaartumik peqqutaapput. Pingaartumik pilerisaarinermut aningaasartuutit amerlanerusimapput, allattoqarfimmi pisortatut aammalu assistentitut piffissap ilaannaani sulisartutut atorfiit inuttassarsionerinit allagarsiisoqartariaqarsimammat. Tamatuma saniatigut naqitaaqqanik paasisutissiiviusunik nutaanik naqitsisoqarpoq. Aamma it-mik ajornartorsiuteqarneq pissutigalugu allaffissornermut aningaasartuutit amerlanerupput.

Pingaartumik aserfallatsaaliuinermit aningaasartuutinit tunngatillugu malugineqassaaq, taakku ilaat ikittuunngitsut nerrivimmut issiavinnullu nutaanut atorneqarmata. Taakku saniatigut qullernik, allagartanik saagunillu ikkussuunneqarput.

Aningaasartuutit ikittuunngitsut allat sulinermit atatillugu angalanernut tunngasuupput, taakkulu 2012-imi 86.000 koruunit missaanniipput (2011-imi aningaasartuutit 110.000 koruunit missaanniillutik). IKIU innuttaasunut tamanut anngussinnaassappat, sulinermit atatillugu angalanerit pisariaqarput, aammalu Kalaallit Nunaanni sumiiffiit isorartunerat pissutigalugu angalanernut aningaasartuutit taakku oqimaatsuupput.

Aningaasartuutissat ikilisinniarlugit allattoqarfimmi pisortap Advosys-imut pikkorissarnissaa 2013-ip aallartinneranut kinguartinneqassasoq IKIU aalajangerpoq. IKIU naatsorsuuserinermit journaliseeriinermullu Advosys-imik atuisuuvoq. Taamaattumik pikkorissarnissaaq ingerlatsinermit pingaaruteqarpoq, taamaattumillu allattoqarfimmi pisortap Danmarkimi pikkorissartitsinermit peqataasarnissaa pisariaqarluni.

2013-imi IKIU-p aningaasartuutinit nakkutilliinera, taamaalillunilu oqimaaqatigiissitsinermit ikinaarinnissutinik annikillitsinissaaq ingerlaqqissaaq. Tamanna pingaartumik akissarsianut aningaasartuutinit ikilisitsinikkut pissaaq, tassami IKIU assistentimik, piffissap ilaannaani sulisartumik nutaamik atorfinitsitsiniangilaq. Naatsorsuuserinermit ikiunnissaq imaluunniit allattoqarfimmi pisortap sulinerminut atatillugu angalanerani, allattoqarfimmi pisortap naatsorsuuserinermit ingerlatsinermillu isumaginninnerani isumalluutaanissaaq assistentip suliassarimagaluarpai. Tamatumunnga taarsiullugu suliassat taakku isumaginissaannut parlatsimik atuinnissamut aningaasanik immikkoortitsisoqassaaq. Tamatumunnga taarsiullugu IKIU-p naatsorsuuserinermit ikiortinik pisariaqartitsineq malillugu atuisarneq siunissami ingerlateqqissavaa, naatsorsuuserinerup sukkulluunniit tamatigut eqqortuunissaa – soorunami – pingaaruteqarlunnarmat.

IKIU-p aningaasaqarnera pillugu annertunerusumik paasisaqarusunnermit 2012-imut Ukiumoortumik Nalunaarusiaq, ukiumoortumik nalunaarummut matumunnga ilaliunneqartoq innersuussutigineqarpoq.

IKIU-P SIUNNERSUISARNERA

IKIU inatsisitigut suliassaqrappassuarnut tunngasunik siunnersuisarpoq – taakku pisortanut inuinnarnullu inatsisinut tunngasinnaapput. Siunnersuisarnermi suliassanut atatillugu sullissisoqarneq ajorpoq, kisiannili suliat ilaanni IKIU allagaatinik takunninnissamut ikiuuttarpoq, aammalu suliani allani oqartussaasunut allakkiornermi IKIU ikiuuttarluni. Suliat nalinginnaasumik pisariusarput, aammalu sullissinermi annertuumik kukkuffiusimasarlutik.

SULLINNIAKKAT

IKIU Kalaallit Nunaanni tamarmiusumi innuttaasunut, akeqanngitsumik sullinneqarnissamut aningaasaqarnikkut piomasaaqatinik naammassinnittutut isumaqarfigineqartunut siunnersuisarpoq. Tassalu inuit isertitassatut killiliussat sinnerlugit isertitaqartunut, suliffeqarfinnut imaluunniit pisortani oqartussaasunut inatsisitigut ikiuttoqartanngilaq.

Aamma pasisat unnerluussallu pissutsinut, pasinninnermut unnerluussinermulluunniit attuumassuteqartunut siunnersorneqartanngillat. Pinerluttulerinermi sulianut tunngassutillit illersuisumut apeqqutigineqartassapput.

2012-imi ukiakkut IKIU-p paasivaa, pinerluuteqarsimasunik inissiisarfinnut (danskít parnaarussiviinut assingupajaartunut) inissinneqarsimasut inatsisitigut siunnersorneqarnissamik pisariaqartitsisartut. Inissitat inatsisitigut suliassaqrappinnut, IKIU-p nalinginnaasumik sularisartagaannut tunngasunik ikiorneqarsinnaapput, kisiannili aamma inissisimatinneqarnerminnut atatillugu ingerlatsinermut tunngasunut siunnersorneqarsinnaapput. Kisiannili pisut ilaanni inissisimatinneqarnermi avatangiisit pissutigalugit tamanna ajornartarpoq.

IKIU-p malittarisassaanni imm. 3.3.4 naapertorlugu aamma ”suliani, ingerlatsinermi oqartussaasunut tunngasuni imaluunniit sularineqartuni, ilitsersuineq siunnersuinerlu pisariaqartinneqartumik oqartussaasunit isumagineqartoq isumaqarfigineqarpat” siunnersuisoqartanngilaq. Kisiannili IKIU-p siunnersuisarnerani annikitsuunngitsut pissutsinut, pisortani oqartussaasunit sularineqartunut tunngasuusarput, taakkunani akuttunngitsumik kukkusoqartarmat (soorlu tunngavilersuutitaqanngitsut, maalaaruteqarnissamut ilitsersuutitaqanngitsut, akuusunut tusarniaanertaqanngitsut imaluunniit piffissami sivisuallaami sularineqarsimasut) imaluunniit innuttaasup pisariaqartinneqartumik ilitsersuunneqarsimanani misigisimasarmat.

SULINERMUT ATATILLUGU ANGALANERIT

Kalaallit Nunaata nunataani sumiiffiit pissutaallutik IKIU innuttaasunut Nuup avataani najugalinnut siunnersuiniarluni sulinermut atatillugu angalasariaqartarpoq. Inatsilerituumik naapitsisinnaanissaq innuttaasunut isumaqartorujussuusarpoq. Tamatumani pingaartumik pissutsit inunnut tunngasut eqqarsaatigineqarput. Aamma IKIU-mut tunngatillugu aammalu IKIU-p siunnersuisarnera pillugu

paasisimasaqarnerulernissaq pingaaruteqartorujussuuvoq. Tamatuma saniatigut IKIU-mi Kalaallit Nunaat tamakkerlugu inatsisitigut ajornartorsiutaasartut ilisimaarilluarneqarput.


Tamanna pissutigalugu IKIU ukiumut marluniit sisamat tikillugit sulinermut atatillugu angalatitsisarpoq. 2012-imi sulinermut atatillugu angalanerit pingasuupput, tassanilu ilaatigut IKIU Aasiannut, Qasigianguanut, Tasiilamut il.il. tikeraarpoq.

Sulinermut atatillugu angalanerit nalinginnaasumik sapaatit akunnerata ataatsip missaanik sivirususeqarpoq, taakkunanilu IKIU illoqarfinnut nunaqarfinnulluunniit marlunnut angalasarpoq. Angalanerit allattoqarfimmi pisortaq aammalu inatsisileritooq nammineerluni piumassutsiminik sulisoq ataaseq peqataasarput. Ajornartinnagu angalanerit inatsisilerituup pineqartup atorfimmut atatillugu angalanissaa iluatsinneqartarpoq.

Angalanerit nalinginnaasumik najukkani eqqartuussiviit ininik atukkiisarput, tamannalu ingerlalluarterujussuusarpoq.

INATSIILERINERMI SULLASSAQARFIIT KISITSISITIGULLU PAASISSUTISSAT

2012-imi IKIU saaffiginnissutinik 1000-it sinnerlugit amerlassusilinnik, taamaalillunilu 2011-imut sanilliullugu marloriaatingajannik tigusaqarpoq. Saaffiginnissutit amerlinerinut innuttaasut IKIU-mik ilisimasallit amerlanerulernerannik pissuteqarsimassasoq qularineqanngilaq. IKIU pillugu ilisimasaqarnek annertusiarlugu paasitsiniaasarpugut, pisortat ingerlatsiviinut eqqartuussivinnullu attaveqartarpugut ukiumoortumillu angalasarluta. Aamma innuttaasut inatsisitigut siunnersorneqarsinnaaneq pillugu imminnut oqaluttuuteqattaarnerisigut ilisimanninneq annertusitinneqarpoq.




IKIU-p naliliinera malillugit Kalaallit Nunaanni inatsisitigut siunnersorneqarnissamik pisariaqartitsineq annertooujussuuvoq, aammalu saaffiginnissutit, IKIU-mit tiguneqartut pisariaqartitsinerpiamik ersersitinningsut. IKIU pisariaqartitsinerimut kisitsisitigut paasissutissanik peqanngilaq, kisiannili saaffiginnissutinit amerlasuut tunngavimmikkut inatsisitigut ajornartorsiornermut tunngasuupput, tamannalu

inatsisitigut ikiorserneqarnissamik pisariaqartitsinerup annertuneratut isigineqarsinnaavoq. Taamatut paasinninneq aamma nammineerlutik piumassutsiminnik siunnersuisartut ingerlatsivinni imaluunniit eqqartuussissuserisut allaffiini atorfimminnit nalinginnaasunit misilittagaannut naapertuuppoq.

SAAFFIGINNISSUTIT INATSITIGUT SULIASSAQARFINNUT AGGUARLUGIT

Innuttaasut saaffiginnissutaannut kisitsisitigut paasissutissat IKIU-mit ingerlaavartumik nalunaarsorneqarput. Kisitsisitigut paasissutissat inatsisitigut suliassaqarfinnut, siunnersuinermi sammineqarnerpaasunut tamakkiisumik takutitsipput. Kisiannili aamma saaffiginnissuteppassuarni apeqqutit, inatsisitigut suliassaqarfinnut pingaarnernut arlalinnut tunngasuunerinik, taamaattumillu pisut ilaanni saaffiginnissutit ataasiakkaat immikkoortut arlaannut inissinneqarnissaannut nalorninartoqarsinnaanerani kisitsisitigut paasissutissat takutitsipput.


Taamaakkarluartoq matuma kinguliani titartagaq saaffiginnissutit inatsisitigut suliassaqarfinnut agguarneqarnerannut takussutissaalluarpoq. Tassani takuneqarsinnaasutut saaffiginnissutit amerlanersaat ukununga tunngasuupput; Ilaqutariinnut isumaginninnermullu inatsisit, atorfinitsinneqarnermut inatsisit, taarsiissuteqarnissamut inatsisit aammalu akiitsunut tunngassuteqartut.



Aamma pisortanik ikiorsiissutit (tamarmiusut) IKIU-mi suliani pingaaruteqarput, kisiannili saaffiginnissutinit taamaattunit arlallit aamma ilaqutariinnut isumaginninnermullu, peqqinnissaqarfimmut aammalu taarsiissuteqartarnermut apeqqutinut tunngasuusarput, taamaattumillu kisitsisitaliunneqartut ikingaatsiarlutik.

ILAQUTARIINNERMUT ISUMAGINNINNERMULLU INATSISIT

Ilaqutariinnermut isumaginninnermullu inatsisinut suliassaqqarfik pillugu saaffiginnissutit amerlanersaat angajoqqaatut oqartussaannermut aamma averusernermut/avinnermut tunngasuusarput. Taakku pillugit saaffiginnissutinut atatillugu siunnersuisarneq immikkut oqaaseqarnissamut tunngavissiiingillat. IKIU inatsisitigut tunngavissanik, aammalu innuttaasup pisumut aalajangersimasumut qanoq iliuseqarsinnaaneranut siunnersuisarpoq.




Kisiannili angerlarsimaffiup avataanut inissiisernerit pillugit saaffiginnissutit oqaaseqarnissamut tunngavissiiippat. Tamatumunnga kisitsisitigut paasisutissat pissutaavallaangillat, kisiannili pissutsinut, innuttaasunit nassuiaatigineqartunut tunnganerullutik.

IKIU arlaleriarluni innuttaasunik, angerlarsimaffiup avataanut inissiinermit pissusiviusunik inatsisitigullu tunuliaqutaasunik naammattumik ilisimatinneqarsimangitsunik naammattuuisarpoq, taamatullu aamma ingerlatsivik angerlarsimaffiup avataanut inissiinermit atorunnaarsitsissappat piumasaqaatit suut naammassineqartussaaneq pillugu paasisutissinneqartarsimangillat.

IKIU suliassanik sullissinerpianik suliqaarneq ajormat, taamaattumillu ingerlatsivimmut attaveqartarani, suliassanik sullissinerpiaat pillugu IKIU annertunerusumik nassuiaateqarsinnaangilaq. Kisianni pisuni arlalinni suliassanik sullissinermit annertuumik kukkusoqartarsimasoq qularutigineqangilaq.

ATORFINITSINNEQARNERMUT INATSISIT

Matuma kinguliani atorfinitsinneqarnermut inatsisinut tunngatillugu saaffiginnissutinut titartakkami takuneqarsinnaasut saaffiginnissutit akissarsiat, soraarsitaaneq atorfinitsinneqarnermilu isumaqatigiissutit pillugit apeqqutinut tunngasuunerusarput.



Soraarsitaanermut tunngatillugu apeqqutit pingaartumik, innuttaasut piffissamik sivikitsumik periarfissinneqarluni (periarfissinneqaraniluunniit) soraartitaasarnerinut, imaluunniit naammattunik paasissutissinneqarnerani soraartitaasarnerinut tunngasuunerusarput. Innuttaasut taakku sunik pisinnaatitaaffeqarnerisut, aammalu pissutsit qanoq iliorunik pitsaanerpaamik isumagisinnaaneraat pillugu IKIU-p ikiortarpai.

TAARSIISSUTIT

Taarsiissuteqartarnek pillugu saaffiginnissutit, IKIU-mit tiguneqartartut, pingaartumik inunnik ajoqusertoqarnerani taarsiissutinut tunngasuusarput. Kisiannili aamma innuttaasup amigaatilinnik pisiaqarsimalluni taarsiiffigineqarnissamut pisinnaatitaaffeqarsorinera pillugu saaffiginnissutinik tigusaqartoqartarpoq. Tassanili saaffiginnissutit pisinermi pisinnaatitaaffinnut/amigaateqarnermut nalunaarutinut tunngasuunerusarput.

Inunnik ajoqusertoqarnerani taarsiissutissat pillugit saaffiginnissutit ilaat ajoqutinut nutaanngitsunut, ajoqusiisumut piumasaqaateqarfiusinnaajunnaareersunut tunngasuusarput. Tamatumunnga taarsiissuteqarnissamut piumasaqarsinnaanerup nutaanngilinera, imaluunniit pissutsit, ajoqusiisup akisussaaffigisinnaasaannik uppersaanissamut ajornarsereertarnerat pissutaasinaavoq. Piffissap sivirusuneranut nassuiaatitut innuttaasut ilaasa pisinnaatitaaffimminnik siunnersuisinnaasunik saaffiginniffissaqannginnertik innersuussutigisarpaat.

Ajoqusernerit, innuttaasut sulitillutik ajoqusernertut isigisaat pineqartillugit, sullivimmi ajoqusernermut taarsiiffigineqartarnek pillugu maleruagassanik sulisitsisumit naammattumik nassuiaanneqarsimanatik , aammalu piffissami ajoquserfiusumi avataanit ilitersuisussaqaanngitsutut innuttaasut akuttunngitsumik misigisimasarput. Taamatut pisariaqartitsinermit IKIU suleqataasarpoq.

AKIITSUNUT TUNNGASUT

Saaffiginnissutit amerlasuut akiitsunut tunngasuusarput, taakkunanilu innuttaasut akiitsoqarnerminnut tunngaviusunik paasinnissinnaasangillat. Matumani tunngaviusartut marluupput: Aapparimasarlu akiligassanik nammaqatigiinnermi akiitsut aammalu pigisanik kingusinnerusukkut naleeruttunik akilersuilluni pisinnermi akiitsut.

Nammaqatigiilluni akiligassaqaarnerup, pingaartumik averusernerup avinnerullu kingorna atuutiinnartinneqartup annertussusia kingunerisassaaluunniit innuttaasut ilaasa paasiuminaatsittarpaat. Taamatut pisoqartillugu ilaatigut akiitsuni atugassarititaasut, kisiannili aamma akiligassaqaarfiit inatsisitigut malersuisinnaanerat (akiliisitsiniartarfik akiliisitsiniartartullu) pillugu innuttaasut pisinnaatitaaffiik pisussaaffiinillu paasisaqarniarneranni IKIU ikiuussinnaavoq. Tamatuma saniatigut aamma nammaqatigiilluni akiligassaqaarnermi qanoq inisisianerat pillugu IKIU nassuiaasinnaavoq ilitersuisinnaallunilu.

Innuttaasunik pigisat akilersorlugit pisiarisimasatik tammarsimagaluartut, aserorsimagaluartut allamilluunniit peqquteqartumik naleerussimagaluartut sulii akiitsunut akilersuisussaataaerminnik paasinnissimangitsunik IKIU naammattuuisarpoq. Innuttaasut ilaasa pisiartik iluaqtigisinnaajunnaarsimagamikku akiligassaqaarfiit piomasagaatai naapertuutinningsutut misigisimasarpaat. IKIU pisuni amerlasuuni taamaallaat akiligassaqaarfiup piomasagaataata tunngavissaqaarneranik uppernarsaanermigut innuttaasut ikiorsinnaasarpai – immaq ernianik naatsorsuinnermi kukkunernik iluarsiiinnermigut. Tamanna ikiuineruvoq, tassami pissutsinik paasinnitsiviusarpoq, aammalu akiliisitsiniartarfik akiliisitsiniartarfillu pillugit siunnersuinnermik malitseqartinneqarsinnaalluni. Pisuni allani ajornartorsiutit pisisarnermut inatsisit malillugit amigaatinik nalunaaruteqarnissamut aammalu piffissaq eqqorlugu naammagittaalliuuteqarnissamut tunngasuusartut paasineqarpoq, tassanilu innuttaasooq ilitersorneqarsinnaavoq.

IKIU-P SIUNNERSUISARNERA EQIKKARLUGU

Kalaallit Nunaanni akeqanngitsumik inatsisitigut ikiorserneqarnissamut pisariaqartitsineq annertuujuusoq qularutigineqanngilaq, tassami innuttaasut amerlasuut inatsisinut tunngasunik apeqqutissaqartarput ajornartorsiuteqarlutilluunniit, taamaallaat IKIU-mut saaffiginninnermikkut paasisaqarfigisinnaasaminnik aaqqissinnaasaminnilluunniit.

Suliani, pisortani oqartussaasunit isumagineqartuni innuttaasut ajorluartumik oqartussaasuniit pisariaqartinneqartunik ilitersorneqarneq ajorput, suliassanik sullissinnermut maleruagassat tunngaviusut malinneqartanngimmata, aammalu innuttaasut suliani taakkunani pisinnaatitaaffimminnik ilisimasaqartanngimmata. IKIU-p taakku pisinnaatitaaffii, aammalu qanoq isummerfiginissaat pillugit siunnersuinissaq piginnaaneqarfigilluarpaa.

Aamma inuinnarnut inatsisit, pingaartumillu nammaqatigiilluni akiligassaqaarneq akiitsullu allat, atorfininnermut apeqqutit pisinnermilu pisinnaatitaaffiit pillugit siunnersuinissaq annertuumik pisariaqartinneqarpoq.

Innuttaasut IKIU-mit siunnersorneqartarnerat pingaaruteqartorujussuuvoq – tamatumanilu suliat, innuttaasut isumaasa IKIU-p isumaanut tulluuffiusut, imaluunniit innuttaasut ajornartorsiutinik aalajangersimasunik

iluarsiiniarnerini ikiuiffiusinnaasut kisimik pineqanngillat, aammali pisinnaatitaaffiisa pisussaaffiisalu suunerinik paasinnitsitsinissaq tassani pineqarpoq.

2013-IMUT ANGUNIAKKAT

Oqaatigineqareersutut Kalaallit Nunaanni innuttaasut akornanni IKIU ilisimaneqaleriartorpoq, tamannalu siulersuisut allattoqarfiata nuannaarutigaa tulluusimaarutigalugulu. 2013-imut anguniakkavut uku aqutigalugit sulii pitsaanerulissapput:

1. 2012-imut sanilliullugu innuttaasunut amerlanerusunut siunnersuisarneq.
2. IKIU-p innuttaasut akornanni ilisimaneqarnerata annertunerulersinneqarnera.
3. IKIU-p inatsisitigut suliaanik ilisimasaqarnerup annertunerulersinneqarnera.
4. Sulinermut atatillugu illoqarfinnut assigiinngitsunut angalasarnikkut najukkaniunerusoq siunnersuisarneq.
5. IKIU-p nittartagaata imaanik pitsanngorsaarnikkut nutarterisarnikkullu paasititsiniaanerulerneq.
6. IKIU-p kiffartuussinerata pitsaassusiata qaffasissumiiginnarnissaanik qulakkeerineq.